

# **TULAFONO TAU FAAOFI O LE FAATATAUINA**

## **O TUPE FAAOPOOPO (Nu.2) 2018/2019**

### **SAMOA**

#### **Faamatalaga e Faamalamalama ai**

##### **Sini ma mafuaaga:**

Ua aofia ai i le Tulafono Tau Faaofi le Faatatauina o Tupe Faaopoopo Lona Lua mo le Tausaga Faaletupe 2018/2019 e faaiuina i le aso 30 Iuni 2019.

##### **Fuaiupu:**

**Fuaiupu 1:** - ua tuuina atu ai le igoa puupuu ma le aso e amata faamamaluina ai le Tulafono Tau Faaofi.

**Fuaiupu 2:** - ua aiaia ai mo le faamatuu atu ma le faatatauina o le **\$7,540,000** mai le Faaputugatupe a le Matagaluega o Tupe mo galuega faatino ma galuega faatino laiti e tuuina atu e Matagaluega ma Ofisa taitasi, galuega faatino e tuuina atu e Isi Vaega ma galuega e avea ai ma sui o le Malo e pei ona faatulaga atu i totonu o le Faamatalaga Muamua.

**Fuaiupu 3:** - ua faatagaina ai le faaititiga e **\$40,000** na uluai faatatauina mo Matagaluega maoti ma Ofisa e pei ona faatulaga atu i totonu o le Faamatalaga Lona Lua ma toe faatatauina o ia tupe i le faiga e pei ona faatulagaina atu i totonu o le Faamatalaga Muamua.

**Faamatalaga Muamua:** - ua aiaia ai le aofaiga faatagaina e ao ona faaaogā i lalo o le fuaiupu 2 e pei oa faatatauina i galuega faatino po o galuega faatino laiti e tuuina atu e Matagaluega ma Ofisa taitasi, galuega faatino e

tuuina atu e Isi Vaega, ma galuega e avea ai ma sui o le Malo, e aofia ai faaopoopoga na uluai faatatauina e tusa ai ma le fuaiupu 3.

**Faamatalaga Lua:**

- ua aiaia ai galuega faatino ma galuega faatino laiti mai ia aofaiga na uluai faatatauina e ao ona faaitiitia mai, ma galuega faatino ma galuega faatino laiti e i ai o aofaiga ia na uluai faatatauina e ao ona toe faasoasoa atu e tusa ai ma le fuaiupu 3.



.....  
(Hon SILI Epa Tuioti)

**MINISITA O TUPE**

**TULAFONO TAU FAAOFI O LE FAATATAUINA  
O TUPE FAAOPOOPO (Nu.2) 2018/2019**

**SAMOA**

**Faatulagaina o Aiaiga**

1. Igoa puupuu ma le amataga
2. Faamatuu atu ma le faatatauina o le \$7,540,000 mai le Faaputugatupe a le Matagaluega o Tupe
3. Faaitiitiga o aofaiga na uluai faatatauina ma toe faasoasoa atu i isi galuega faatino ma galuega faatino laiti

Faamatalaga

---

**2019, Nu.**

**O SE TULAFONO TAU FAAOFI UA TAU A**

**O SE TULAFONO e faatagaina ai le tuuina atu ma le faaaogāina o nisi o aofaiga o tupe mai le Faaputugatupe a le Matagaluega o Tupe i galuega faatino ma galuega faatino laiti a Matagaluega, galuega faatino e tuuina atu e isi vaega ma galuega e avea ai ma Sui o le Malo mo le Tausaga Faaletupe e faaiuina i le aso 30 o Iuni 2019 ("Tausaga Faaletupe 2018/2019").**

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga:**

- (1) E mafai ona taua lenei Tulafono o le Tulafono o le Faatatauina o Tupe Faaopoopo (Nu.2) 2018/2019 ma e fatauina faatasi ma avea ai ma vaega o le Tulafono o le Faatatauina o Tupe 2018/2019 ("Tulafono autu").
- (2) O le fuaiupu 2 ma Faamatalaga e faatatau i galuega faatino ma galuega faatino laiti a Matagaluega, galuega faatino e tuuina atu e isi vaega ma galuega e avea ai ma sui o le Malo mo le Tausaga Faaletupe 2018/2019.
- (3) O lenei Tulafono e amata faamamaluina i le aso e tuuina i ai le maliega a Le Ao o le Malo.

**2. Faamatuu atu ma le Faatatauina o le \$7,540,000 mai le Faaputugatupe a le Matagaluega o Tupe:**

- (1) E mafai ona tuuina atu mai le Faaputugatupe a le Matagaluega o Tupe ma faaaogāina i galuega faatino po o galuega faatino laiti e tuuina atu e Matagaluega ma Ofisa taitasi, galuega faatino e tuuina atu e Isi vaega ma galuega e avea ai ma sui o le Malo mo le Tausaga Faaletupe 2018/2019, aofaiga e lē sili atu ma le aofaiga e \$7,540,000 e aofia ai ma aofaiga ua faatatauina i lalo o le fuaiupu 3.
- (2) O aofaiga ua faatagaina ina ia faaaogā i lalo o le faafuaiupu (1) ua faatatauina esese e tusa ai o galuega faatino po o galuega faatino laiti e tuuina atu e Matagaluega ma Ofisa taitasi, galuega faatino e tuuina atu e isi vaega, ma galuega e avea ai ma sui o le Malo i le faiga ua faamaoti mai i totonu o le Faamatalaga Muamua.

**3. Faaitiitiga o aofaiga na uluai faatatauina ma toe faasoasoa atu i isi galuega faatino ma galuega faatino laiti:**

- (1) Ua teuteuina le Tulafono autu i le faatagaina o le faaitiitiga o le aofaiga e \$40,000 mai Matagaluega ma Ofisa ua taua, e tusa ai o aofaiga ua faatulagaina atu i totonu o le Faamatalaga Lona Lua.
- (2) O le aofaiga o le faaitiitiga e \$40,000 i lalo o le faafuaiupu (1) ua faatatauina ma toe faasoasoa atu i Matagaluega ma galuega faatino i le faiga ua faamaoti mai i totonu o le Faamatalaga Muamua ma o se faaopoopoga lea i tupe na uluai faatatauina.

**FAAMATALAGA MUAMUA****(Fuaiupu 1(2), 2(2) ma le 3(2))****FAAOPOOPOGA I TUPE FAATATAUINA****Matagaluega**

Faamatalaga

Tupe Faatatauina

Aofaiga

**FONO AOAO FAITULAFONO****Faaopoopoga i Galuega Faatino****e Tuuina atu e le Matagaluega:**

4.4 Vaega o Faamaumauga

Aloaia &amp; Lomitusi                          40,000

**Aofai: Faaopoopoga i Galuega Faatino****e Tuuina atu e le Matagaluega:**                          **40,000****Aofai Tupe Alu Faaopoopo:****40,000****TUPE****Faaopoopoga i Galuega****e Avea ai ma Sui o le Malo:**

Tiute o Oloa Faaulufale Mai i

Fesoasoani &amp; Galuega

ma Atinae Faatupeina i

Faaunegatupe                          600,000

Lafoga VAGST i Fesoasoani

&amp; Galuega ma Atinae

Faatupeina i

Faaunegatupe                          900,000

Taaloga a le Pasefika 2019                          3,000,000

**Aofai: Faaopoopoga i Galuega  
e Avea ai ma Sui o le Malo:** 4,500,000

**Aofai Tupe Alu Faaopoopo:** 4,500,000

### AUAUNAGA FAA-SOIFUA MALOLOINA A LE ATUNUU

**Faaopoopoga i Galuega Faatino  
e Tuuina atu e le Matagaluega:**

2.0 Auaunaga i Falemai -  
TTM & Auaunaga  
Lagolago 3,000,000

**Aofai: Faaopoopoga i Galuega Faatino  
e Tuuina atu e le Matagaluega:** 3,000,000

**Aofai Tupe Alu Faaopoopo:** 3,000,000

**AOFAI FAAOPOOPOGA I TUPE**

**ALU AOAO 2018 - 2019**

**\$ 7,540,000**

**FAAMATALAGA LONA LUA**  
**(Fuaiupu 1(2) ma le 3(1))**  
**FAAITIITIGA I TUPE FAATATAUINA**

**Matagaluega**

Faamatalaga	Tupe Faatatauina	Aofaiga
-------------	------------------	---------

**FONO AOAO FAITULAFONO**

**Faaitiitiga i Galuega e Avea ai ma Sui o le Malo:**

Faalapotopotoga a	
Palemene o Malo o le	
Taupulega	(15,000)
Iuni Faa-Palemene	
Soofaatasi &	
Faalapotopotoga o	
Failautusi Aoao o	
Palemene	(10,000)
Meaalofa Tupe mo Maliu o	
Sui Usufono sa i ai i le	
Palemene	(15,000)

**Aofai: Faaitiitiga i Galuega  
e Avea ai ma Sui o le Malo:**      \$ (40,000)

**AOFAI FAAITIITIGA AOAO  
I TUPE ALU 2018 - 2019**

\$ (40,000)